

Cingqsaed Yawjraen Gyaеundeі

Ranzmbanj dwg aen mbanj iq mbouj okda ndeu, mbouj lumj ndawsingz hoenghhwd nauhyied, cix hawj gou siengmuengh. Ranzmbanj mbouj miz laeuzhung laeuzsang, miz haenx dwg aen eijgaeu ndeu youq ndawhongh, gwn ngaiz gvaq le naengh gwnzde cwxcaih ngauznged dak ndit doeg sei; dwg yiengjsouh raemx dumh gvaq hozga youh cingqndeі caij youq gwnz rin ndat; dwg mwh ndaejhoengq byaij gvaq loh rinreq, yaeng'yaeng lumh vacwx henz loh. Neix couh dwg gij gyaеundeі ranzmbanj, gou couh dwg youq laj dinbya heuyau ndit dak neix, cingqsaed yawjraen yiengh gyaеundeі neix.

Goengda gou daj iq couh youq ranzmbanj majhung, caencaen cingq-cingq dwg bouxguhnaz ndeu, seng youq ranzmbanj maj youq ranzmbanj, moix baez gou baema, vaiqhaemh cungj yawjraen goengda gwed hong-dawz miz di myaex haenx, riuв geij bog byaekheu, gungj aenhwet, geu buh-mbangjmbaek bad youq gwnz mbaq, miz mbangj giz cungj loh gyaеujmae okdaeuj lo, miz mbangj giz bienq henj lo. Ndithaemh dak youq gwnz mumhau caeuj najnyaеuq goengda, lumjbaenz yaek dawz gyoengqde yaenq youq gwnzmbwn. Gou naengh youq najranz, yawj gingjsaek laj



ndithaemh bouxguhnaz dauq ranz, nyaenx mbouj ndaej danq sing ndeu: Goengda gaenq geq lo! Hoeng cix youq ndawsim maij fuk veh neix, neix couh dwg gij gyaеundeі guhhong, gou couh dwg youq laj yiemhranz daemqded ndithaemh dak neix, cingqsaed yawjraen yiengh gyaеundeі neix.

Goengda youq mwh ndaejhoengq, maij ndaem va, de moix baez dwk dienhvah hawj gou cungj noix mbouj ndaej dwen daengz gij va de dang baenz baujboiq haenx: "Sou itdingh

daeuj yawjyawj, va hai ndaej gyaеu lai lo!" Gou moix baez ndawsim cungj miz cungj maqmuengh he daeujdaengz ranzmbanj, hoeng moix baez ma daengz va gaenq reuq lo, gou saetmuengh dangqmaz, nyapsaеbsaeb, ndawsim siengj: Goengda mingz rox mwh gou daeuj va gaenq reuq, lij yienghneix gangj, neix mbouj dwg yaek hoz ngah gou ma. Siengj daengz mbouj ndaej yawj va hai gyaеundeі, gou hixnaengz ndoj haeuj ndaw rug bae yawj saw, da mbouj raen sim mbouj

nyap. Geij baez le, gou gaenq doiq ndaej yawj va goengda ndaem haenx mbouj miz maqmuengh lo. Dang gou caiq baez daeujdaengz ranzmbanj, lij caengz roengz ci, couh yawjraen goengda gyaе' gyaе vadfwngz coh gou, gou ngamq hai douci, goengda couh rag gou gvaq henz he bae, daj ndaw daeh mbon ok soujgih, fwngz mbouj lingzvued bued aen soujgih, ra ok geij mbaw siengq va de ingj haenx, baihdaw miz vagut yienghsaek damh, vameizgveiq hoenghhwd, vasozyoz caemdingh, gou yawj haeujmaez lo, youh yawjyawj goengda, mbouj dandan gamjdaengz gamjdoengh, goengda mboujdan vih gou cauьguh gyaеundeі, engq sawj gou cingqsaed yawjraen gyaеundeі.

Soujgih ndaep haujlai nanz haenx sawqmwh rongh lo, dwg goengda fat saenqsik hohfuk bimoq hawj gou, swnhbienh fat mbaw siengq vasozyoz ndeu, gou lumjbaenz yawjraen goengqbya gyaеgigi lumj aenbingzfungh, ranz daemqded laj bingzfungh hoenz hwnjneuneu, ciengz nding vax henj, laj vax miz boux geq ndeu, dinghdingh henhoh gij gyaеundeі neix, caj gou baez wng daeuj cingqsaed yawjraen gij gyaеundeі neix.

(gouj nienzgaep Lij Yijmungz)



Seizgan lumj naq, biu baefafa, byoem daxmeh mbouj rox seizlawz bienq hau lo.

Daxmeh gou doiq byoemhau gig nyapnyuk gig haemz. Miz seiz gou cingq guh yiengh saeh he, sawqmwh deng de heuh bae, bang de ciemz byoemhau, cungj saeh neix gingciengz guh.

Vunz naeuz byoem hau le gaej ciemz, mboujnex yied ciemz yied maj lai, hoeng meh gou couh dwg mbouj hawj diuz byoemhau coeg da haenx lai ce youq gwnz gyaеuj ngoenz ndeu.

Moix baez meh gou heuh gou ciemz byoemhau, gou cungj gig mbouj naihfanz, aenvih byoem bonjlaiz couh dinj, byoemhau gig nanz ciemz

Byoemndaem Bienq Byoemhau

roengzdaeuj, diuz byoemhau ndeu cungj ciemz haujlai nanz cij ciemz ndaej. Ciemz dwk ciemz dwk, gou couh simnyap lo, siengj vaiq di deuzbae, hoeng gou youh mbouj gamj, cijndeі lauxlaux saedsaеd bang de ciemz byoemhau.

Geij ngoenz gonq, gou youh deng daxmeh heuh bae ciemz byoemhau. Gou byaij daengz henz daxmeh, hainduj ra byoemhau. Mbouj doengz haenx dwg, byoemhau daxmeh mbouj lumj doenghbaez nanz ra raen, cix dwg miz haujlai lo. Bouxwnq cungj naeuz meh gou mwh coz gyaеu lai bw, byoemgyaeuj youh ndaem youh wenj.

Byoemhau daxmeh youq laj ndit, yienhndaej engqgya coegda. Yawj baenz diuz baenz diuz byoemhau, sim couh lumj deng cim camx gvaq nei, inyubyub, raemxda aeng youq gvaengzda. Hwnzngoenz sinhoj guhhong, hawj daxmeh caeuxcaеux couh miz byoemhau lo, vih aenranz dou, daxmeh guh ndaej sinhoj lai lo, daxmeh mboujdan nyaengq guh hongnaz, lij nyaengq guh hongranz. Mwh gou doegsaw cinbu le, daxmeh couh gujli gou; mwh gou doiqlaeng le, de ciuqyiengh riu dwk caeuj gou gangjgoj. Geijlai maqmuengh gij byoemhau de dauq bienq lumj doenghbaez nei ndaemndat ha.

Baezneix gou caiq mbouj lumj

doenghbaez nei mbouj naihfanz lo, gou sijsaeq aеu byoemhau baenz diuz baenz diuz ciemz roengzdaeuj, yienz-naeuz gou rox ciemz le lij dauq maj okdaeuj, hoeng ceiqnoix ndaej hawj daxmeh sim'onj di. Byoemndaem bienq byoemhau, seizgan mbouj caj vunz ha.

Rog cueng ci daeuj raq rumz liengz ndeu, biengi hwnj gij siengjnaemj gou. Youq ndaw seizgan lumj raemx lae neix, nanzlumz byoemhau daxmeh!

(Anhveih Swngj Gucin Yen Sungden Cunghyoz caet (it) ban Cuh Muzyej)

Seizcin Youq Gizlawz



Seizcin youq gizlawz? Seizcin youq gwnz gyfaex: Rumzcin cifefe, nyeliux diuqfoux, vadauz najhoengz.

Seizcin youq gizlawz? Seizcin youq gwnz diegnywj: Mok seizcin mbaеumbengmbeng, go'nywj ndiu lo, rieg hwnj buhmoq saekheu.

Seizcin youq gizlawz? Seizcin youq ndaw ndoeng faexcuk: Fwn seizcin raq youh raq, rangz daj lajnamh ndonj aen'gyaeuj okdaeuj.

Seizcin youq gizlawz? Seizcin youq ndaw doenghnaz: Ndit seizcin baenzneix raeujrub, baenzneix rongh, miuzmeg heu, va byaekyouzcaiq henj, va duhьap homfwd.

(Cwnz Bozcuih)

(dozcap banjneix daj gwnzmuengx aеu)